

Rio Algom, ilaukmat BHP Nunannganit, tadsa pihimayuuq uyaqqanik nanminiriyanga uumani hivuravyaani uataani uumanilu tununngani kitqani Kiiliniqmi ittuq Kitikmeonmi Nunavunmi. Atulihaaliqtillugu 2018 tamna Havakvinga pilihaaliqtaahivulliqpaami uqaqatigiikniq akhuurutauyunut tigumiaqtuuqatauyunut uumuuna uyarakhiurvikhamut Auyami 2018. Ayurnaqtuuq uyarakhiuriami Auyami 2018, talvuuna uyarakhiurniq ihumaliuqtauyut Auyanguqqat 2019.

Tamna Havakvinga pinahuaqtuuq hilami nunanganik ihivriurniq qinirhiayuqllu uyaqqanik tatqirhiutingani June, July uumanilu August 2019mi. Ihumagiyaayuuq tamna havalihaliqniaqtait June 1^{nguqqat}, 2019mi Hivuraanit ilagiyangani havauhikhap taimaa 25nik ublunik, talvannga nuullutik Kitqanut pingahunik ublunik nuutiqtillugit, talvannga Tununnganut ilagiyangani taimaa tallimanik ublunik. Tamaat havaaq piniaqtuuq qanurittaakhaanik anuringa aadlallu avatilirininnganut qanuritpat.

Hivulliqpaanga piumalluaqtangit aulapkainiqmut aturiami tingmitinnuamik uumunnga hilami ihivriurniq. Taimaa tingmitiaqpat, atuqtauniaqtuuq Iqaluktuutiamit ihivriurvikhamut. Uumunnga. Uumani piliurninngani, mikiut mikkat urhuqyuanik tutquqtiriniq (ikitqiyayuuq 20nit qattaryuknik) tutquqtiniaqtait Tununngani Hivuraanullu Nunanganut.

Tuglia piumalluaqtangit aturiami halikaaptamik uumunnga hilami ihivriurniq. Talvunga halikaaptamik piumayumik, tamna halikaapta inniaqtuuq mikkarmi tadjakaffuk atuqtauyuuq uyarakhiurvik Hivuraani Nunanganik. Uumunnga, mikkaq tadjakaffuk uyarakhiurvik ihariaginiaqtuuq atuqtaugiami Tununngani Nunanganut ikayuriami hilami ihivriurniq talvani. Aadlat urhuryuanik tutquqtiriniq halikaaptamut hilami ihivriurniq piyakhaat Tununngani Nunanganik, Qitqami, Hivuraani Nunanganilu. Tamna mikkaq tadjakaffuk atuqtauyuuq 10nik inungnik ikayuqtauniaqtut halikaaptakkut (hilami ihivriuriamikni) halikaapta (uyarakhiuqtuiyunut havaktut agyaqtuutikhamut) tingmitimiklu. Tamna uyarakhiurvik ihumagiyaayuuq ilaupkainiaqtuuq hitamanik nunanganik naunaiyaiyut, pingahunik aquttut tingmitimik halikaaptamiklu, ingniqutinik ihuarhaiyuuq, kukialuk, atan'nguyaaq an'nguhiqiimiklu qun'ngiaqtukhaq havaktitayuuq An'nguhiqiitkunni Iqaluktuutiamit Kugluktumillu.

Aadlat hulilukaarutingit Tununngani uumanilu Hivuraani Nunanganik ilaliutiniaqtuuq uyarakhiurniq unalu nunauyanik katitiqtullu uyaqqanik ihivriurqtaqhangit pingahunik Santinik July-mi. Uqaqtauyuuq hamna qaangani, mikkaq tadjakaffuk atuqtauyuuq 10nik inungnik nayugakhaq ittuq Hivuraani Nunanganik ikayuutauniaqtuuq halikaaptakkut tingmitikkullu (uuktuutigiyayuuq piksanga hamna ataani ittuq) uyarakhiurviup tamayangit nuutiqtiiariialgit. Tamaita uyarakhiurvikmut hulilukaarutingit "qanurittaakhaanik-pikmata", imaatut ittuq hivunniqmi hulilukaarutit ihariagiyut 2019mi uyarakhiurniqmut qanuriliurutigiyanganik.

Inungnut-maniliurninnga ikayuutaayuuq uumunnga atulihaaliqtinganut, mikkaq naunaitkutinga uyarakhiurniq mikkauyut kihimi tamaita akhuurninngit piliuqtauniaqtuuq havaktittiliriimi nunamiknit havaktukhat tunilunilu havaakhakhamiknik. Tamna havakvik havaqatigiikniaqtait An'nguhiqiitkut ikikliyuumiutigiami tingmigiami huradjat haniani. Apirhiyut Kitikmeot Inuit Katimayiingit, tamna Havakvik naunaiyaqpakniaqtut umingmanik, nungutpallialiqmata.

Havauhikhap naunaipkainiq hulilukaarutinginnik hivulliqpaamit ublumimut naunaipkavakniaqtait auyami ukiakhanguqtinnagulu, tamna Havakvik ihumaginiaqtait tamaita ayurhautipkaidjutiayuyut tuknunut aadlanullu huradjat ikikliyuumiutigiami qimalattittailiniq havaktillutik.

